

Communicaziun a las medias BCG

La BCG investescha a Glion: nov concept da cussegliaziun ed uras d'avertura pli lungas

Cuira, ils 19 d'avrigl 2017 – Ier han cumenzà las lavurs da transformaziun da l'agentura regionala da la BCG a Glion. Ultra da la nova halla da clientella profitan las clientas ed ils clients en l'avegnir d'in nov concept da cussegliaziun e dad uras d'avertura pli lungas. La reavertura ha lieu ils 22 da matg 2017.

Ils basegns ch'ina banca moderna ha d'ademplier èn sa midads. Bleras clientas e blers clients fan oz lur affars da banca online via smartphone u computer. Ils servetschs al spurtegl èn dumandads adina pli pauc. «Quest svilup ans ha motivà d'adattar nossas localitads da banca als basegns actuals», declera Thomas Roth, commember da la direcziun generala da la BCG, l'investiziun en l'avegnir da la banca.

Transformaziun a la banca da cussegliaziun cun uras d'avertura pli lungas

Dals 18 d'avrigl fin ils 21 da matg modernisescha la BCG cumplettaimain sia halla da clientella da la sedia regionala a Glion. Durant las lavurs da transformaziun pon las clientas ed ils clients era vinavant far diever da tut ils servetschs en in provisorio da banca. Igl è era pussaivel da fixar termins cun nossas collavuraturas e noss collavuratur. A partir da l'avertura che ha lieu ils 22 da matg stattan a disposiziun als clients las localitads modernisadas ed il nov concept da cussegliaziun. Ultra da quai profitan els dad uras d'avertura pli lungas enfin las 18.00.

Il contact persunal stat en il center – amplifitgar las soluziuns digitalas

«Discurs da cussegliaziun individuals sin dumonda èn era vinavant pussaivels, e quai er a chasa tar las clientas ed ils clients», declera Christian Alig, manader da la regiun da Glion, l'importanza dal contact persunal. Il medem mument investescha la BCG cuntinuadamain en il svilup da sias soluziuns digitalas. In exempel è il [center per la clientella](#) ch'è disponibel dapi la fin dal 2016, nua ch'ils clients pon empustar online daner contant e laschar trametter quel a chasa. Ubain era [l'assistent da finanzas online](#) che procura per ina survista complessiva da tut las transacziuns. Ulteriuras infurmaziuns davart las purschidas digitalas da la BCG chattais Vus sut gkb.ch/digital.

Contact per ils collavuratur da medias:

Banca Chantunala Grischuna, Medias & Investor Relations, chascha postala, 7001 Cuira

Thomas Müller, thom.mueller@gkb.ch, telefon +41 81 256 83 11

Plutarch Chiotopulos, plutarch.chiotopulos@gkb.ch, telefon +41 81 256 83 13

La Banca Chantunala Grischuna sin:

gkb.ch/medien | [Twitter](#) | [Facebook](#) | [YouTube](#) | [Flickr](#) | [Xing](#)

Banca Chantunala Grischuna – il leader en il Grischun

La Banca Chantunala Grischuna porscha tut quai ch'i' dovra per ina banca universala moderna – per persunas privatas, l'economia ed il maun public. La banca occupa 1'015 collavuraturas e collavuratur (stadi dals 31-12-2016). En il chantun Grischun cun sias numerusas vals e pliras linguas, è l'interpresa represchentada cun 59 agenturas, la sedia principala sa chatta a Cuira. La Banca Chantunala Grischuna è participada a la Banca Privata Bellerive SA a Turitg ed a la Albin Kistler SA a Turitg. En il resultat annual preschenta ella cun ina summa da bilantscha da CHF 23,9 milliardas in gudogn dal concern da CHF 168,5 milliuns. Il scrit da participaziun BCG è quotà a la bursa dapi ils 10 da settember 1985.

Termins

Rendaquint semestral 2017: 27 da fanadur 2017
